

摘藻堂四庫全書薈要

史部

欽定四庫全書薈要

史部
國朝宮史卷五



詳校官員外郎臣楊世綸

欽定四庫全書薈要卷八千四百七

史部

國朝宮史卷五

典禮

我

朝



家法相承內政肅清有典有則凡所以定位號辨等威
服御器飾之末趨走使令之常莫不釐然各當
若夫嘉辰令序歡宴式其儀祀事齋期肅將致

其敬

夙興裁覽勅諭以時法

天行之健以無逸為所

聖

聖貽謀穆乎想見闕睢麟趾之盛意焉我

皇上躬昭醲化教始宮庭首敦孝治為天下先祇事

聖母問

安視膳怡怡愉愉舉觴慶以承

歡躬綵舞而介祉儀則本乎天經動容彰夫至德猗歟
盛哉莫有加於是矣乃觀夫日用之恒起居之
節

躬蠶示其則嘉禮備其文莫不酌秉舊章聿垂令典
肅雍端王化之原恭敬飭修齊之本由閨門以
達邦國推諸天下胥準諸此謹誌內廷典禮及
常行規制為禮儀三卷宮規一卷冠服儀衛各
一卷其外朝諸大禮詳於會典茲不具載

典禮一

禮儀上

御門聽政儀

皇帝御門聽政之禮凡每日部院進本有未奉

旨者折本下內閣積若干件傳

旨於某日御門辦事內閣宣布於六部三法司至日

乾清門首領太監等設

御榻黼扆於門外正中設本案一於前設大學士尚

書等跪奏羶墊於左黎明領侍衛內大臣內大臣散秩大臣及豹尾班侍衛在丹陛下左右立東西面記注官翰林科道官於西階下東面立部院衙門奏事大臣及陪奏官屬畢集於庭內魚貫序立祇候屆時

皇帝御輿至門啓扉降輿出闔扉

陞座

御前侍衛暨乾清門侍衛左右僉立記注官升西

階就西柱下立部院奏事官由東階升

以戶禮兵工四

部輪班首上三法司直第三班吏部直第六班

各就列跪尚書在前侍

郎在後陪奏官屬又在後尚書一人奉本匣折旋而進至本案前北面跪恭陳於案興少退趨至東楹轉入班首跪口奏某事幾件畢興少退率衆循階左降餘以次升奏如前儀至吏部奏事兼帶領各部輪班司員八人引

見畢始退內閣侍讀學士二人升東階詣本案前北

面跪舉各部院本匣興退侍衛等及階下序立之翰林科道皆退是時

欽派讀本滿內閣學士一人奉折本匣升東階折旋而進大學士學士從升依次跪記注官少進仍東面立奉匣學士至本案前北面跪恭設於案啓匣取折本依次啓奏

皇帝降旨宣答大學士等承

旨訖興由東階降記注官由西階降

皇帝還宮

常日

視事儀

皇帝每日

視事夙興

御養心殿暖閣或

乾清宮西暖閣及

弘德殿閱

列朝實錄

寶訓一冊辰刻

進膳

閱王公大臣名牌

頒賜克食既徹乃

披覽內外臣工奏摺

批答授進止訖下所司隨

召見諸臣奏事太監承

旨下外奏事引進 乾清門

若御養心殿大臣
年七十以上者
許由

內右
門進以次

賜見畢乃

陞寶座

宣引見官部旗大臣引

見者各以前後為次捧名籤至

御榻前跪呈引班官按序引各官至丹陛上北面跪

奏履歷畢退

皇帝降旨以籤授大臣承

旨退

皇帝還便殿若

幸瀛臺等處進膳辦事亦如之每日未刻

進晚膳

閱內閣所進各部院及督撫提鎮本章

上披覽裁決畢內閣票簽酌用之付本房照簽硃批

清字

票簽未當者另降旨行

翌日下內閣硃批漢字施

行

若刑部議覆立決本章仍於次日覆奏越日乃下內閣

日以為常

齋戒儀

皇帝齋戒之禮恭遇

壇

廟祭祀太常寺先期奏請得

旨親詣行禮屆期奏致齋

皇帝乃齋

南

北郊及常雩祈穀俱於祭前齋三日

御齋宮

祭前齋之第三日
刻具法駕鹵簿詣

皇帝御殿視祝版已
壇內齋宮齋宿

宗廟

社稷齋三日羣祀齋二日並於養心殿齋之日

躬懸齋戒牌端居虔肅

祭前一沐浴

尚膳不進葷三法司不

奏刑名辦事召見如常

臣工如有謝不叩首俟齋畢仍補行禮

恩者俱

齋之始日厥明太常寺進齋戒牌銅人設黃案於

乾清門中門之左太常寺率所屬恭奉齋戒牌

在前銅人在後前引如儀由後左門至乾清門

升自左階恭設於案齋戒牌南向銅人西向跪三

叩興退宮內各懸齋戒木牌於簾額齋畢並徹

壽康宮問

安儀

皇太后宮問

安之禮每間二三日

皇帝夙興常服乘輿詣

皇太后宮降輿由壽康左門步入至

皇太后暖閣前宮監傳奏

皇帝進暖閣跪敬問

起居

皇太后賜坐

皇帝興進至

御榻左一叩坐

賜茶

皇帝叩受飲復叩如初

皇帝奏對畢辭出來輿還宮

殿試讀卷儀

每科會試各省中式舉人於太和殿策試後
欽命讀卷大臣八員校閱傳臚前一日辰刻以前列
十本簽擬名次緘封進呈

御覽

皇帝御養心殿西暖閣次第披閱畢召讀卷大臣入
親定甲乙以卷授讀卷大臣出拆彌封恭照名次繕
寫綠頭籤讀卷大臣率引班官引十人進乾

清門至丹陛西階下祇候

記注翰林
四人隨入

皇帝御輿由月華門

御乾清宮寶座

御前侍衛等左右侍立記注官由殿西門闌右進闕侍
立讀卷大臣捧綠頭籤亦由殿西門闌左趨至

寶座前跪呈引班官引十人至丹陛中北面跪以次奏
名籍畢興退

皇帝親定一甲三人二甲前列七人以綠頭籤授讀卷

大臣讀卷大臣恭捧興退

侍衛記注
官咸退

率十人侍立

丹陛西階下

皇帝御輿由月華門還便殿引班官引十人先出讀卷
大臣等捧卷至紅本房用硃筆依次填名次於卷
端仍捧出 乾清門至內閣填寫金榜翌日

皇帝陞太和殿傳臚

紫光閣武試儀

每科會試中式武舉於 太和殿策試之明日

皇帝親臨紫光閣閱馬步射又次日閱弓刀石技勇
先期兵部奏日既得

旨巡捕三營率員弁治馬道於閣之西按定例步武
設馬箭把三步箭把一每把設鼓一丹陛西階
下設藍旂一東階下設步射木誌十至日黎明
武備院張黃幕於紫光閣丹陛上設

寶座御案於幕內設低桌於

御案之右 懋勤殿太監陳列

硃筆煖硯於案鑾儀衛張黃蓋於幕東偏兵部派放
馬官四人率中式武舉每十人為一班列馬道
南揚旂官率叅將一人立西階下監鼓官四人
分率營員各依鼓為位會試監射大臣四人殿
試讀卷大臣四人兵部尚書侍郎各以次立東
階下記注翰林四人立西階下咸補服屆時兵
部侍郎一人赴 乾清門具奏

皇帝乘輿出宮領侍衛大臣

御前侍衛等暨豹尾班侍衛引扈至丹陛上降輿

陞座侍衛等於幕東西侍立豹尾侍衛於階下左右

排列紅本處官二人捧兵部所進漢字名冊陳
於

御案

以清字冊安於低桌上東面跪展清冊按名照驗

兵部尚書進至中階

下跪奏第一班第一人某馬射隨退立原處揚

旂官督叅將揚旂放馬官督武舉放馬箭中某

把司鼓官督營官報鼓每一班進兵部尚書跪

奏如前馬射畢陳步把於甬道上侍衛率武舉至中階下仍以十人為班各射步箭一每一人射中者報鼓如前

御筆皆親加記識既畢射紅本官起受

御案所陳冊并清字冊緘藏之

皇帝乘輿還宮引扈如來儀衆皆退翌日黎明武備院移丹陛上黃幕稍南兵部官捧武舉綠頭名籤引至閣前稍東祇候隨率營員陳刀石於陛

前

刀一百二十觔石三百觔為頭號在中刀一百觔石二百五十觔為二號在左刀八十觔

石二百觔為

三號在右

兵部官三人執弓各一

頭號十二力次十力

次八力

武備院官六人執出號弓

自十三力各一
至十八力

立東階下餘儀俱如前

駕至

陞坐侍衛率武舉每十人至前兵部武備院官各依所用弓力授弓以次進至中階下開弓畢兵部官引舞刀復以次掇石既畢退

皇帝以冊授兵部尚書侍郎等祇受退至丹陛下稍

東恭按

硃筆圈定十八人排次名籤

原冊綴紅本處

捧由東階升至

御前跪呈侍衛率武舉至中階下列跪各奏名籍

皇帝親定一甲三人二甲五人三甲前列十人以名

籤授尚書尚書祇受退至階下

皇帝乘輿還宮兵部尚書侍郎等以

御定名籤注甲第名次於上封授讀卷大臣至內閣

填寫金榜俟次日

陞殿傳臚

賞賜福字儀

每歲十二月初一日 懋勤殿首領太監陳龍

箋大筆墨海於 重華宮祇候

皇帝以錫福蒼生筆書福字十餘幅懸貼各宮自是
將軍督撫奏函至並

御書緘賜之十五六等日

召御前大臣侍衛至 重華宮二十六七等日

召諸王大臣內廷翰林等至 乾清宮

先期奏事處具名籤以請

欽定若干人分日

頒賜乃

下內閣通傳至日集

乾清門祇候

賜福字其儀王公大臣等與領福字者俱以次集階

下肅筵

宮殿監預傳各首領太監集庭內執事

皇帝御座

重華宮於殿中乾清宮於西暖閣

懋勤殿首領太監具

高案筆墨

皇帝親灑宸翰書福龍箋每書一幅王公大臣等一

人進至

御案前跪

書畢叩首祇領興太監二人恭捧前行隨而出餘依次跪領如儀

勾到儀

歲秋讞九卿會議以

聞得

旨情實人犯著覆奏內閣按省分遠近定期請

旨

朝審由欽天監擇日
內閣奏聞請

旨既

允行刑部預進各省情實人犯黃冊各道御史進覆

奏本至日黎明內閣大學士學士刑部尚書侍

郎記注翰林俱集乾清門外懋勤殿太監

設

寶座案東向陳筆硯文具

紅本處官
陳黃冊

又設低案一於

前一於右

設硃筆
硃硯

已刻

朝審勾到
以卯時

皇帝御懋勤殿更素服

陞座大學士等常服脫素珠並由 乾清門至墀內
記注官四人自階左升入殿門南向立內閣學
士一人捧名單匣大學士捧覆奏本匣暨刑部
尚書等由階右升入殿門捧黃匣學士折而中
詣前案西面跪大學士等趨至右案南北面列
跪

皇帝命大學士一人執筆大學士承

旨啓匣展覆奏本於案

賜坐大學士等咸一叩坐內閣學士啓匣以次舉名

奏請

皇帝展閱黃冊

大學士等各展閱所攜手摺

詳酌宥否其予勾者

大學士舉硃筆加勾既畢內閣學士斂名摺於匣大學士捧勾到覆奏本於匣偕衆退

皇帝還便殿紅本處收黃冊大學士以勾到本授紅

本處批發

其朝審勾到本徑交刑部

乾清宮見屬國陪臣儀

謹按乾隆二十五年正月初九初十等日安集
延額爾德尼伯克拔達山汗素爾坦沙等遣陪
臣輸誠入覲詣 乾清門跪請

聖安傳

旨召見王公滿漢大學士尚書都統侍郎俱詣 乾
清宮殿內左右以序安設坐褥祇候

皇帝陞乾清宮寶座侍衛等侍立如常儀王以下咸
跪

賜坐咸一叩坐理藩院尚書引陪臣自乾清右門入趨西階陞丹陛上北面行三跪九叩禮畢理藩院尚書引入殿西門於班末一叩坐

賜茶尚茶以茶案由中道進至檐下進茶大臣恭進皇帝茶王以下暨陪臣咸行一叩禮侍衛等分賜茶各於坐行一叩禮飲訖復叩坐如初

皇帝召陪臣至御座前親以回語慰問咸震聳言跪答

復

賜以綵緞等物咸歡忭叩首謝

恩畢理藩院尚書引陪臣退仍由殿右門趨出衆咸退

皇帝還便殿凡屬國陪臣於乾清宮覲見者儀同

恭查乾隆十八年博爾都噶里雅貢使巴哲格伯里多瑪那等入覲亦於乾清宮召見禮如之

冊尊

皇太后及恭上

徽號儀

冊尊

皇太后及恭上

徽號之禮內閣既承

旨禮部諏吉以

聞乃徧布諸司供備預期禮部工部官會製

冊寶既辦昇奉內閣恭鐫

冊文

寶文前期一日遣官祇告

天

地

太廟後殿

奉先殿

社稷如常儀是日內閣具奏書

書詞前期撰擬進呈
恭候欽定敬謹

書寫盛於函質明內鑾儀衛陳

皇太后儀駕於慈寧門外至長信門外掌儀司內

監陳中和韶樂於

慈寧宮檐下陳丹陛大樂於長慶門內俱北向禮部

鴻臚寺官預設黃案一於慈寧門外一於

中和殿內均正中南向武備院卿預設

皇帝拜褥於慈寧門外黃案南北向大學士一人

朝服奉奏書函中書舍人前導至中和殿階

下導者止大學士以奏函入殿陳於案啟緘展

書加函上退俟於東檐禮部尚書侍郎二人詣

乾清門奏時遂前導

駕

皇帝禮服乘輿出宮內大臣侍衛前引後扈如常儀
至中和殿北階降輿詣殿內案前北向閱奏
書畢轉立東次西向大學士一人進納書函內
恭奉由殿中門出禮部尚書侍郎導引前行

皇帝乘輿從至永康左門奉奏書大學士由中門
入至慈寧門東階下導者止大學士進躋中

階近案前折旋就左門之東負序西面立

皇帝降輿入左門禮部尚書侍郎恭導

以下行禮皆恭導

升

慈寧門東階西向立後扈內大臣從

凡行禮進退皆

從

立於後前引十大臣領侍衛內大臣豹尾班

侍衛止立東階下如三大節儀大學士一人由

西階進就立西檐下宣讀官一人從少後立均

西面鴻臚寺鳴贊二人於東西楹相對立禮部

尚書轉傳內監奏請

皇太后御慈寧宮

皇太后禮服出宮中和韶樂作奏豫平之章

曰慈聞福履昌瑞雲

承輦獻嘉祥徽流寶冊光玉食歡心萃萬方旭日正當陽綏眉壽樂且康瑤池萸葉芳如山阜

永無疆

陞座樂止

皇帝詣拜位北向立奉奏書大學士暨西檐大學士咸進至案前左右立鳴贊奏跪

皇帝跪大學士跪進奏書於右

皇帝受奏書恭獻大學士跪接於左興跪陳於案退
鳴贊贊宣奏書宣讀官進至案前北面跪啟
恭奉奏書宣讀畢仍納於函興退皆復位奏叩
興丹陛大樂作奏益平之章

曰皇家燕喜福壽
協慈徽千官拜舞

萬國瞻依霽
璇宮聖日輝

皇帝行三跪九叩禮興樂止旋位禮部尚書轉傳內
監奏禮成

皇太后起座中和韶樂作奏履平之章

曰璿宮瑞霽霏
翬翟山河上袞

衣寶籙慶璇幃萬國歡愉頌德歲長日麗晴暉
青鸞舞鳳在墀康強福祿宜億萬載祝期頤

還宮樂止

皇帝降階導從如來儀出 永康左門乘輿還宮內

監舉奏書案入大學士以下皆退至日昧爽

皇太后儀駕樂懸所司照前陳設鑾儀衛設

皇帝法駕鹵簿樂部陳樂懸於 太和殿前至 午

門外禮部鴻臚寺設黃案一於 太和殿內一

於 慈寧宮門外一於階下均正中南向又設

黃案一於階上左門之東西向乃序班位 慈
寧門外案南正中為

皇帝進冊寶位北向奉冊寶大學士二人位左案之
東西面接冊寶大學士二人位西檐下東面宣
讀官二人位西檐大學士後鴻臚寺鳴贊二人
分立於前檐東西面前引後扈內大臣侍衛王
公文武百官記注糾儀傳贊各官立位拜位均
與三大節同是時王公文武百官朝服畢會所

司設龍亭二於內閣門外禮部侍郎詣閣暨內閣學士奉

金冊

金寶於盥奉宣讀

冊文

寶文於函分置亭內鑾儀校舁行前冊亭後寶亭禮部

官屬十人前引導以御仗二黃蓋一至太和

殿內冊亭左肆寶亭右肆奉冊寶官陳

金冊

金寶於案

冊東

寶西鴻臚寺引王以下入八分公以上由昭德貞

度門入於丹陛上序立引公侯伯子男文武二

品以上官於右翼門外序立引三品以下官於

午門外序立禮部尚書侍郎二人詣乾清

門奏時遂前導

駕

皇帝禮服乘輿出宮前引後扈如常儀 午門鳴鐘

鼓至 太和殿北階降輿

皇帝御太和殿中和清樂作奏海上蟠桃之章

曰海上蟠

桃乍熟日邊紅杏初芳慈闈履慶承天貺景福

正綿長

解一

啟蓬萊排仙仗露溥溥凝仙掌祥衣

翟服爛明璫耀金鋪日擁扶桑喜和風駘蕩鑑

薰百和香太平有象孝德光昌

解二

殿當中雲光

養駕臨軒金閨敞孝思不匱重天常展瑤函寶

冊輝煌喜和風駘蕩鑑薰百和香太平有象孝

德光昌

解三

紫霞盃葡萄釀九華燈芙蓉桁流霞

紺雪酌

天漿頌期頤地久天長喜和風駘蕩鑑

薰百和香太平有象孝德光昌

解四玉衡平金波

朗湛露融階堦長雲璫法曲奏清商奉慈徽長

信傳芳喜和風駘蕩鑪薰百和香太平有象孝

德光昌

解五萬方玉食尊親養孝治蒸蒸天下仰

歌萬壽

無疆

趨辭

皇帝北向閱

冊寶禮成樂止奉冊寶官恭奉置亭內鑾儀校舁行詣

慈寧宮

皇帝乘輿從王公暨文武二品以上官各於所立位

跪候龍亭

御駕過興以次從至 永康門外龍亭由中門入至

慈寧門東階下

皇帝降輿禮部尚書侍郎恭導

以下行禮
皆恭導

入左門禮

部侍郎內閣學士奉

金冊

金寶陳於階下案上大學士二人奉宣讀

冊文

寶文由中階進陳於左案遂就位立

皇帝升自東階西向立大學士二人由西階進就立
西檐下宣讀官二人從立少後鳴贊立東西楹
鴻臚寺引王公百官咸依班位序立與三大節
同禮部尚書轉傳內監奏請

皇太后御慈寧宮

皇太后禮服出宮中和韶樂作奏豫平之章

樂章與進
奏書同下

仿此

陞座樂止禮部侍郎內閣學士就階下案奉

金冊

金寶升中階陳於中案退

皇帝詣拜位北向立鴻臚寺引王公以下文武百官
咸北面就位立大學士就案奉宣讀

冊文

寶文暨西檐大學士咸進至中案前左右立鳴贊奏跪
皇帝跪羣臣皆跪奏進

冊大學士跪進

冊於右興退

皇帝受

冊恭獻大學士跪接於左興陳於中案退奏進

寶如進

冊之儀贊宣

冊宣冊官進至案前北面跪啓函恭奉

冊文宣讀訖仍納於函興退贊宣

寶如宣

冊之儀畢皆復位內監四人舉

冊寶案二人前導由中門入陳於

慈寧宮檻外正中南向退奏叩興丹陛大樂作奏益平
之章

皇帝率王公羣臣行三跪九叩禮 午門外序立百
官承傳隨班行禮畢樂止

皇帝旋位東次立王公以下各退就班位立禮部尚
書轉傳內監奏禮成

皇太后起座中和韶樂作奏履平之章

還宮樂止

皇帝降階出永康左門乘輿還宮翊衛如來儀衆
皆退內監移設丹陛樂於慈寧門東西檐下

設

皇后

皇貴妃

貴妃

妃 嬪拜褥於

慈寧宮月臺上設公主福晉命婦拜位於丹陛上均北

向內監轉奏

皇后

皇后率六宮公主福晉命婦詣

慈寧宮行禮如三大節之儀

貴人及

皇子 皇孫
皇太后後宮

行禮及宮殿監率闔屬首領太監隨從
行禮俱由宮殿監先期具奏請

旨 翌日

皇帝御太和殿王公文武百官上表行慶賀禮

頒詔布告天下

冊立

皇后儀

冊立

皇后之禮

制下禮部諏吉以

聞徧布諸司供備預期禮部工部官會製

冊寶恭送內閣鑄

冊文

寶文屆期禮部奏請

命大學士一人充冊立使尚書一人充副使前期一日遣官告祭

天地

太廟後殿

奉先殿如常儀至日昧爽所司詣太和殿中設案一

東西肆左右各設案一均南北肆設龍亭二於
內閣門外鑾儀衛陳

法駕鹵簿樂部陳樂懸各如常次王公文武百官記
注糾儀執事各官朝服陪位如常儀工部官以
節送內閣內閣禮部官自內閣奉

金冊

金寶及宣讀

冊文

寶文各陳於亭內禮部侍郎奉

節鑾儀校舁亭禮部官十人前引導以繖仗至太

和殿陛下內閣禮部官奉

金冊

金寶由中階進至殿內陳

節中案

冊左案

寶右案退冊使副使祇俟於丹墀東大學士一人立

殿東檐下西面宣制鴻臚寺官一人立大學士
後舉冊寶案內閣禮部官分立檐下東西面均
朝服禮部尚書侍郎詣 乾清門奏時遂前導
駕

皇帝禮服乘輿出宮前引後扈如常儀 午門鳴鐘
鼓至 太和殿後階降輿入中和韶樂作奏隆

平之章

樂辭與常朝
同後仿此

皇帝升座樂止鑾儀衛官贊鳴鞭丹墀內三鳴鞭戲

竹交丹陛大樂作奏慶平之章鴻臚寺鳴贊官
贊齊班序班引正副使就丹墀東拜位立北面
西上贊行三跪九叩禮興樂止序班引正副使
進東階至丹陛北面立鳴贊官贊有

制正副使跪宣制官進至殿中門之左宣

制曰某年月日欽奉

皇太后懿旨冊立某妃某氏為皇后命卿等持節行禮
宣畢大學士進殿左門詣中案奉

節由中門闌左出至丹陛以

節授正使正使受

節偕副使興內閣禮部官進殿左右門舉

冊寶案出中門正使持

節前行副使從以次降中階內閣禮部官奉

冊寶設龍亭內鑾儀校舁行導引如初由太和門

出

皇帝賜王公大臣茶如常儀畢鳴鞭如初中和韶樂

作奏顯平之章

皇帝起座還宮樂止王公百官俱退是日內鑾儀衛

陳

皇后儀駕於

皇后宮階下及宮門外內監設丹陛樂於宮門內如

三大節之儀設節案一於宮內正中南為香

案設冊寶案於東西各一設

皇后拜位於香案前北向女官四人立拜位左右東

西面宣讀女官二人立東案之南西面宮殿監
率內鑾儀校豫候於景運門冊使既承

命出由協和中門至景運門外西面立正使奉
節授內監內監捧

節內鑾儀校接舁

冊寶亭至

皇后宮門外亭止內監奉

冊寶詣

皇后宮

皇后禮服出內宮丹陛樂作贊引女官二人引

皇后迎於宮門內道右隨行入宮內監奉

節陳於中案奉

金冊

冊文

金寶

寶文陳於東案退贊引女官引

皇后就拜位北向立樂止贊跪

皇后跪贊宣

冊宣冊女官就案奉宣讀

冊文西向立宣畢授侍右女官女官跪接贊受

冊女官以冊奉

皇后

皇后受冊授侍左女官女官跪接奉以興陳於西案

次宣

寶受

寶亦如之樂作

皇后行六肅三跪三拜禮畢少退東向立樂止內監

進至中案奉

節出贊引女官引

皇后送於宮門內道右還內宮內監奉

節至景運門授冊使正使持

節副使從詣後左門復

命冊立禮成還節有司各退翌日昧爽

皇太后儀駕樂懸全設鴻臚寺官設進

表黃案一於慈寧門外禮部官捧王以下文武各

官慶賀

皇太后表文送內閣內閣捧

皇帝慶賀

皇太后表文恭進於

皇太后宮武備院卿預設

皇帝拜褥於 慈寧門檻外正中鴻臚寺官引王公
於 慈寧門文武大臣二品以上俱於 長信
門外三品以下於 午門外各依常次祇候禮
部尚書奏請

皇帝詣

皇太后宮行禮王公文武大臣官員俱隨行禮畢

皇帝還宮王等俱出是日鑾儀衛陳

皇帝法駕鹵簿樂部陳樂懸

皇帝御太和殿諸王文武各官上表行慶賀禮頒
詔宣示天下是時

皇后詣

皇太后宮行禮禮畢俟

駕還宮詣

皇帝前行禮

皇貴妃率

貴妃

妃 嬪公主王妃命婦於

皇后前行禮均如三大節儀

貴人及

皇子 皇后宮行

禮及宮殿監率闔屬首領太監隨從行

禮俱由宮殿監先期具奏請

旨

冊封

皇貴妃

貴妃

妃 嬪儀

冊封

皇貴妃之禮

命下禮部諏吉以

聞所司製

冊寶送內閣鐫字屆期禮部奏請

命大學士尚書一人充

冊封使侍郎內閣學士一人充副使先一日遣官祇

告

太廟後殿

奉先殿俱如常儀至日質明禮部鴻臚寺官設節案冊
寶案於太和殿內鑾儀衛官設采亭於內閣
門外內閣禮部官奉

節

冊寶出陳亭內鑾儀校舁行導以繖仗禮部官前引
至太和殿階下奉

冊寶隨

節以升設於殿內各案大學士一人朝服立節案之

東正副使朝服立丹墀之東均西面欽天監官
報時正使由東階升副使從至丹陛左北面跪
大學士詣案奉

節由殿中門出授正使正使受

節偕副使興所司舉

冊寶案從降中階仍設亭內導引如初是日內鑾儀
衛豫設

皇貴妃儀仗於本宮門外內監設節案香案於宮

內正中設冊寶案東西各一封使既受

命由 協和門至 景運門外正使西面授

節內監內監奉

節內鑾儀校舁

冊寶亭至宮門奉

冊寶隨

節詣

皇貴妃宮

皇貴妃禮服出迎於宮門內道右隨行內監奉

節

冊寶陳於各案退

皇貴妃就拜位北面跪女官宣讀

冊文

寶文

皇貴妃恭受

冊寶行六肅三跪三拜禮畢送

節於宮門內道右均如

皇后受冊之儀內監持

節至 景運門授正使正使持

節副使從詣 後左門復

命還

節有司各退翌日

皇貴妃詣

皇太后宮行六肅三跪三拜禮乃詣

皇帝前行禮

皇后前行禮並如儀

貴人及皇子皇孫於
皇貴妃宮行禮及宮殿監率闔

屬首領太監隨從行禮俱由
宮殿監先期具奏請旨

冊封

貴妃之禮

命下所司供備製

冊寶

冊妃之禮

命下備

冊印並諏日奏請

命使祇告

太廟後殿

奉先殿至日遣使發封宣讀受冊及朝見儀均與

皇貴妃禮同

皇子 皇孫於 貴妃宮行禮及
宮殿監率領本宮首領太監隨從行

禮俱由宮殿監先
期具奏請 旨

冊嬪之禮

命下備

冊奏請

命使至日發冊宣讀受冊暨朝見儀均與

妃禮同

本生皇子行禮及宮殿監率領本宮首領太監隨從行禮俱由宮殿監先期具奏

請

旨

皇帝萬壽元旦冬至三大節內廷慶賀儀

是日

皇帝率王公文武羣臣詣

慈寧宮行禮

皇后率六宮公主福晉命婦詣

慈寧宮行禮各如儀內監預設中和韶樂於乾清宮

簷下設丹陛大樂於乾清門內宮殿監奏請

皇后率

皇貴妃

貴妃

妃嬪等具禮服集乾清宮東西暖閣俟

皇帝前朝受賀禮成還宮宮殿監奏請

皇帝陞乾清宮座中和韶樂作

萬壽奏乾平之章曰祥雲扈紫冥四海臣

民祝聖齡淑氣轉階堯堯錄義圖燦御屏嵩呼
徧在廷天呈瑞地效靈南極拱台星億萬載頌

康寧

元旦奏元平之章曰維天眷我皇四海

昇平泰運昌歲首肇三陽萬國朝正拜帝閭雲

物奏嘉祥乘鸞輅建太常時和化日長重九譯
盡梯航冬至奏遂平之章曰陽回泰谷春萬

國衣冠拜紫宸旭日耀龍鱗雲物呈祥福祿臻
堯階堯英新熙庶績撫五辰九服共來賓調元

化轉
鴻鈞

陞座樂止殿門垂簾宮殿監引

皇后就正中拜位立

皇貴妃

貴妃

妃 嬪左右立均北面行六肅三跪三拜禮丹陛

大樂作奏雖平之章

曰闕雎四教家邦作享先
黃裳元吉地承天六宮仁

順化穆宣麟之趾兮萬福之
原以下二章三大節皆同 禮畢樂止

皇后率

皇貴妃等各還後宮陞簾宮殿監引諸

皇子

皇孫陞東西丹陛北面立行三跪九叩禮是時宮

殿監率闔宮首領太監在東西丹墀下隨行禮

畢引

皇子等退立兩旁

皇帝起座中和韶樂作

萬壽奏泰平之章曰皇躬福祿宜永紹鴻圖丕丕基彤陛

長仙芝樂奏箭韶丹鳳儀南山獻壽庖人心悅天意隨為德徧羣黎歌樂愷萬年斯元旦奏和平之章曰聖人延俊英鈞天樂奏繞彤廷華夷一統寧士庶懽忻樂太平寶鼎御香盈祥烟

象瑞靄生簫韶喜九成齊慶祝萬千齡 冬至
奏元平之章曰皇心克配天玉琯葭灰得氣先
彤廷臚唱宣四海共球奏御筵珠斗應璣璿
金鏡朗麟鳳騫人間景福全咨屢省懋乾乾
樂止各退
其貴人等位俱由宮
殿監請引至後宮行禮

皇太后聖壽元旦冬至三大節慶賀儀

是日內鑾儀衛豫陳

皇太后儀駕於 慈寧門階下至 長信門外掌儀司

內監設中和韶樂於

慈寧宮檐下設丹陛大樂於 長慶門內俱北向所司

豫設案一於慈寧門東內閣學士自內閣奉

皇帝慶賀表文出

表文先期由內閣如式具擬
恭候欽定敬謹書寫

內閣

官前導大學士從由熙和中門至永康左

門外導者止大學士奉表文禮部尚書侍郎導

入至慈寧門升東階陳表案上退內監舉案

宮殿監侍二人前引由左門入恭設於

寶座東西向禮部官奉諸王大臣内外文武官慶賀表

文安龍亭內校尉舁行鼓吹前導由東長安

門至 午門外陳設如儀是時武備院卿豫設
皇帝拜褥於 慈寧門外正中北向辨羣臣朝位及
執事官位王以下入八分公以上立中階下左
右先集 永康左門外候

駕隨入宗室公將軍公侯伯大學士內大臣尚書都
統子侍郎副都統男內閣學士前鋒統領護軍
統領步軍統領侍衛集 長信門外文武三品
以下集 午門外皆按翼東西面序立記注翰

林四人立 慈寧門外西階下御史二人立

慈寧門外糾儀御史禮部官屬各二人立 午

門外皆東西面北上執事鴻臚寺卿二人鳴贊

二人立 慈寧門檐下引進王公鳴贊二人二

品以上鳴贊二人三品以下鳴贊二人視所引

爲位又鳴贊二人立 午門外皆東西面又鳴

贊一人立於 永康左門一人立於 右翼門

二人立於 熙和門內外二人立於 午門內

外聞唱承傳百官行禮質明禮部尚書侍郎詣

乾清門奏時

皇帝具禮服乘輿出宮

元旦由門

乾清門出

隆宗

聖壽冬至出

啟

祥

導從翊衛如常儀禮部尚書侍郎導至永

康左門降輿入禮部恭導

皇帝陞慈寧門東階於門左西向立後扈大臣從

侍於後前引十大臣於長信門內左右序立

領侍衛內大臣率豹尾班侍衛夾東西階僉立

禮部尚書轉傳內監奏請

皇太后陞慈寧宮寶座

皇太后禮服出宮中和韶樂作奏豫平之章

樂章見冊尊禮下仿

此惟乾隆二十四年冬至恭遇

聖壽又

值平定回部另撰樂章曰慈寧集慶長坤元協德煥嘉祥晴暉轉一陽玉食承歡福履昌西極盡來王同稽首頌壽康堯階棠葉芳受茲福永

無疆

陞座樂止禮部尚書侍郎恭導

皇帝就拜位北向是時鴻臚寺官引王公於階下引

長信門外大臣暨 午門外百官咸就位北
面序立丹陛大樂作奏益平之章

皇帝率諸王文武羣臣行三跪九叩禮承傳鳴贊官
接傳 午門外各官均隨行禮樂止

皇帝旋位立禮部尚書轉傳內監奏請

皇太后還宮中和韶樂作奏履平之章

乾隆二十四年
冬至另撰樂章

日璿宮靄紫烟日麗彤幃百福全德範播堯天
文筭珠璣普九邊暉翟耀瓊筵添宮線玉卮前
綏和兆萬年永
樂愜協璣璇 樂止禮部尚書奏禮成恭導

皇帝出 永康左門乘輿還宮禮部官捧王公百官
所進慶賀表文送內閣皆退是時

皇太后儀駕中和樂器照常陳設其丹陛大樂移設於
慈寧門內檐下北向侍衛命婦預設

皇后拜褥於丹陛上正中設

皇貴妃

貴妃

妃 嬪拜褥於左右各稍後序公主福晉以下二

品命婦以上拜位於丹陛上按左右翼依次分立均北面設引禮命婦二人贊相禮儀又設命婦八人前引自公主逮命婦凡與朝賀及執事者咸朝服自永康右門入進慈寧門於東西丹墀序立禮部尚書轉傳內監奏請

皇后詣

皇太后宮行禮

皇后率

皇貴妃

貴妃

妃 嬪具禮服陞輿以次出 啟祥門前引命婦

恭導至 徽音左門外降輿入陞丹陛至檐前

東向立

皇貴妃以下各依左右位東西向立引禮命婦轉

傳內監奏請

皇太后陞座

皇太后禮服出宮中和韶樂作奏豫平之章

樂章如前
下倣此

陞座樂止引禮命婦引

皇后

皇貴妃等俱就拜位北面立丹陛大樂作奏益平
之章

皇后率

皇貴妃以下行六肅三跪三拜禮公主王妃命婦
俱隨行禮畢樂止引禮命婦引

皇后

皇貴妃以下復原位立轉傳內監奏請

皇太后還宮中和韶樂作奏履平之章樂止引禮命婦
奏禮畢引

皇后以下咸退前引命婦恭導至 徽音左門外乘
輿還宮各退

皇后還宮後

皇子

皇孫詣

皇太后宮於

皇太后前行三跪九叩禮禮畢各退

其貴人等位俱由宮殿監請引至

皇太后
後宮行禮

謹按乾隆五年十一月奉

旨

皇太后萬壽聖節大小臣工咸服蟒袍七日著為例乾
隆六年十一月內閣奏恭遇

皇太后五十聖壽

慈輦自暢春園回宮時凡在

慈寧宮前行禮之一二品文武大臣懇請瞻仰跪接從
之

乾隆十六年十一月

皇太后六十聖壽於二十一日加上

徽號恭進

冊寶

皇帝率王公大臣等行慶賀禮

頒詔天下先期修葺

壽安宮為奉觴之所王公宗戚京外文武各衙門大臣
官員輦下紳士耆老自高梁橋至西華門豫設
綵棚樂劇恭祝

聖壽是日癸未

皇太后鑾輿自暢春園回宮

皇帝御龍袍袞服乘馬前導王公大臣咸蟒袍補服

滿漢命婦咸采服各於祝

釐綵棚前夾道跪迎

皇太后頒賜賞賚各有差

皇帝率

皇后

皇子

皇孫等侍

皇太后於壽安宮稱

慶凡九日王公百官自十四日起至二十八日止咸蟒袍補服

乾隆二十六年十一月

皇太后七十聖壽於二十日加上

徽號是日巳酉

皇太后鑾輿自暢春園回宮

皇帝率

皇后以下暨

皇子

皇孫稱

慶於壽安宮凡十一日王公百官自十一月初一日至
二十八日咸蟒袍補服餘如十六年

慶典之儀

皇后千秋元旦冬至三大節內廷慶賀儀

是日內鑾儀校豫設

皇后儀駕於
交泰殿左右設中和韶樂於
交泰

殿簷下設丹陛大樂於 乾清宮後簷下禮部
官捧王以下文武各官所進慶賀

皇后箋文送內閣質明宮殿監設

皇貴妃

貴妃

妃 嬪拜褥於 交泰殿丹陛上左右設公主王

妃以下二品命婦以上拜位於丹陛下左右均

北面設引禮命婦二人贊相禮儀

皇后既率

皇貴妃等於

皇太后宮

皇帝前行禮畢

並如
壽行禮之儀

還

坤寧宮宮殿監引

王妃公主命婦由

蒼震門入在

交泰殿外

丹陛下排立啓請

皇貴妃

貴妃

妃 嬪等至 交泰殿內兩旁立隨奏請

皇后具禮服出宮

陞交泰殿座中和韶樂作奏淑平之章

曰承天地道光嗣徽音兮

儷我皇椒宮壺教彰萬國為儀燕翼昌彤管紀
芬芳春雲渥環珮銷安貞德有常敷內政應無

疆 樂止宮殿監引

皇貴妃等行六肅三跪三拜禮丹陛大樂作奏正

平之章

曰正坤維兮儷皇極母儀昭萬國福履永綏將六宮承法則

王妃公

主命婦等俱隨行禮禮畢樂止

皇貴妃以下俱復原位立宮殿監奏請

皇后還宮中和韶樂作奏順平之章

曰瑤樞煥上台椒殿風和麗景

開晴旭上蓬萊佳氣氤氳遍九垓祥雲護燕襟
培麟趾毓蘭芳雉扇影徘徊看瑞靄集宮槐

皇后還後宮樂止宮殿監啟請

皇貴妃

貴妃

妃嬪等各還本宮引王妃以下俱出隨引

皇子

皇孫至

皇后後宮行三跪九叩禮宮殿監率闔宮首領太監

在東西丹墀下隨行禮畢各退

其貴人等位俱由宮殿監請

引至
皇
后後宮行禮

皇子婚儀

皇子婚禮內務府豫行欽天監諏指婚吉日並列

大臣命婦中偕老者奏襄婚事屆期贊禮大臣

偕福晉父蟒袍補服詣乾清門東階下福晉

父北面跪贊禮大臣西面立稱有

旨今以

某

氏女作配與皇子

某

為福晉福晉父承

旨行三跪九叩禮興退廼諏吉納幣

見經費

屆日內務

府官以綵亭載諸禮物如福晉家陳幣於堂陳

馬於庭陳

賜物於階上以納幣告福晉父母祇受謝

恩燕會行禮如儀婚前一日福晉家豫以粧奩送

皇子宮鋪陳屆日質明

皇子蟒袍補服詣

皇太后

皇帝

皇后前行禮若

妃 嬪出者並於所生

妃 嬪前行禮

皇子迺如福晉父母家行迎娶禮回宮內務府選
隨從女官八人豫詣福晉家閣前祇候贊事命

婦豫詣

皇子宮內別室祇候自宮門至於福晉家步軍統領飭所部灑掃清道鑾儀衛備儀仗紅緞幃輿內務府總管一人官屬二十人蟒袍補服護軍四十人如福晉家奉迎吉時居內鑾儀校奉輿陳於中堂福晉禮服出閣隨從女官翊升輿下簾內校舁行鐙八炬十前導女官隨從出大門乘馬前列儀仗內務府總管率屬及護軍前後

導護行至紫禁城門外衆下馬步入及儀仗止於宮外女官隨輿入至

皇子殿前降輿女官恭導福晉出輿引入宮吉時屈贊事命婦上合卺酒設燕

皇子與福晉行合卺禮執事者皆退是日內大臣侍衛二品以上八旗文武大臣齊集福晉親族有職人等暨同旗之大臣侍衛官員等齊集箭亭內命婦等在長房內筵宴如納幣於福晉家

之儀翼曰

皇子及福晉夙興朝服內務府管領妻二人導詣

皇太后

皇帝

皇后前行朝見禮

皇子前立福晉後立

皇子行三跪九叩頭禮福晉行六肅三跪三拜禮

次詣所出

妃 嬪前行禮

皇子行二跪六叩頭禮福晉行四肅二跪二拜禮

各如儀退

其何處行禮之處宮殿監督領侍皆預奏聞請

旨

皇子仍如福晉父母家行禮如前儀

公主下嫁儀

公主下嫁之禮內務府豫行欽天監諏指昏吉

日並列大臣命婦中偕老者奏襄昏事屆期贊

事大臣偕額駙蟒袍補服詣 乾清門東階下

額駙北面跪奏事大臣西面立稱有

旨今以

某

公主擇配

某

人額駙祇受

命行三跪九叩禮興退初定諏日額駙家備駝一馬

八羊八十有一酒九十尊詣午門前恭進得

旨分納所司是日

皇帝御保和殿筵宴額駙父額駙暨奉

命入宴之王大臣侍衛等待宴如儀

皇帝還宮理藩院鴻臚寺堂官引額駙父等至乾

清門西階下序列行三跪九叩禮退是日內監
設中和韶樂及丹陛樂於

慈寧宮常次如儀尚膳女官設

皇太后筵於寶座前南向設

皇后筵於東西南向又以次設

皇貴妃

貴妃

妃 嬪席於東西少後僉向額駙母及其族中諸

婦設席於 嬪席之下少南西位東面進爵命
婦侍衛命婦設席於丹陛下東位西面午刻

皇后率

皇貴妃等詣

慈寧宮

皇太后陞寶座筵宴

賜茶進

觴徧爵作樂升歌行酒額駙母及諸婦行禮各如儀既

畢

皇太后還宮

皇后率

皇貴妃等皆還內宮內監引額駙母及諸婦詣

皇后宮行六肅三跪三拜禮退下嫁前一日額駙蟒袍補服率族人詣

皇太后

皇帝

皇后宮門前行三跪九叩禮各如儀內務府官率鑾儀校以公主粧奩詣額駙邸第內管領命婦二人偕女侍隨往鋪陳至日黎明額駙家備九九禮物文馬十有八鞍轡具胄甲十有八馬二十有一駝六羊八十有一酒九十尊詣午門恭納午刻筵宴於保和殿

慈寧宮如初定禮是日所司豫奏請王福晉貝勒貝子夫人中結髮偕老者

欽命陪送內務府大臣命婦二人內管領命婦十人

充導從皆盛服於宮外別室祇候贊事命婦豫

詣額駙邸別室祇候自公主所出宮門至額駙

邸步軍統領飭所部灑掃清道鑾儀衛備儀仗

綵輿內務府總管一人官屬四人內管領二人

護軍叅領二人護軍校二人蟒袍補服偕護軍

二十人於所出宮門前祇候吉時屈公主吉服

詣

皇太后

皇帝

皇后前行禮若

妃 嬪出者並於所生

妃 嬪前行禮各如儀畢命婦翊升輿下簾內校

昇行出宮儀仗前列鐙八炬十前導陪送福晉
夫人及隨從命婦乘輿隨行內務府總管內管
領乘騎稍遠導從叅領及護軍乘騎扈行詣額

駙郎第合卺翼日公主額駙夙興朝服公主詣

皇太后

皇帝


皇后及所出

妃 嬪前行禮額駙詣 慈寧門外東階下 乾

清門外 內右門外行禮各如儀畢還邸第



國朝宮史卷五



總校官庶吉士臣侍朝

校對官編修臣莫瞻菴

膳錄監生臣范從理